

ملخصات

ملخص المجامع و أبطال الإيمان

ملخص بسيط لفترة البدع و الهرطقات بعد عصر الاستشهاد ... و إزاي أبطال الإيمان في كنيستنا الأرثوذكسية قدرنا
يحافظوا على الإيمان المستقيم

المصدر: 

كلمة عن ملخص تاريخ الكنيسة في عصر البدع و الهرطقات من نهضة العذرا 2019 للدكتور كامل متياس 

0:00 / 29:54



أبطال الإيمان هم جدودنا اللي موجودين في مجمع القداس لدورهم العظيم في الحفاظ على الإيمان
تعالوا نعرف باختصار مين أهم أبطال الإيمان و إيه التحديات اللي واجهتها الكنيسة في فترة البدع و الهرطقات

مارمرقس

بطرك رقم 1

أسس الكنيسة

بشّر إنيانوس الإسكافي ... اللي أصبح البطريرك رقم 2

[تفاصيل أكثر](#) 

القدّيس بطرس خاتم الشهداء

بطرك رقم 17

وقت دقلديانوس و الاضطهاد على المسيحية و الشهداء (زي مارجرس)

صلّى قبل ما يستشهد: يا رب خلّيني أكون آخر واحد في عصر الاستشهاد ده

هو ده اللي حصل معاه معجزة السيدة اللي عقّدت ابنها بدمها لما السفينة غرقت

بعدها انتهى عصر الاضطهاد ... و بدأ عصر الهرطقات

أريوس

أول مهرطق كبير

كان فيه كاهن اسمه أريوس ... فكّر في السيد المسيح بطريقة غلط

احنا بنقول: واحد مع الآب في الجوهر (أوموسايوس) ... زي ما ربنا يسوع قال: أنا و الآب واحد

أريوس قال: لأ ... يسوع (أوموسايوس) يعني مشابه مش مساوي ... يعني أقل منه ... حرف واحد لكن الفارق قاتل

البابا أرشيلوس

بطرك رقم 18

ماطولش كثير (كانت مرحلة انتقالية)

البابا ألكسندروس

بطرك رقم 19

ساعتها (وقت الملك قسطنطين) كانت بدعة أريوس انتشرت ... فاجتمع 318 من أساقفة من حول العالم في مجمع نيقية

البابا ألكسندروس أخذ 20 أسقف من مصر ... و تلميذه أثناسيوس

المجمع حرم أريوس و بدعته ... و طلع بقانون الإيمان (لحد قبل: نعم نؤمن بالروح القدس) ... اللي كتبوا القانون ده 3, منهم 2 من مصر: البابا ألكسندروس و القديس أثناسيوس

القديس أثناسيوس الرسولي

بطرك رقم 20

وقت نيافة الباب ألكسندروس, كان أثناسيوس مشهور ساعتها جداً في المجتمع المسيحي

بسبب مجمع نيقية, حلت ضيقات كثيرة جداً و عذابات كثير على أثناسيوس ... سنين كثيرة جداً (36 سنة) و حروب كثيرة لأن أريوس كان لسة موجود و بيهيج الناس و الامبراطور ضد القديس أثناسيوس بكل الطرق

الناس قالت: العالم كله ضدك يا أثناسيوس ... قال لهم: و أنا - بالمسيح - ضد العالم ... يعني أنا ماشي على الإيمان الصحيح مهما حصل

البابا بطرس الثاني

بطرك رقم 21

تعد 5 سنين و 9 شهور بس ... برضه في ضيقات و مشاكل بسبب أريوس

البابا تيموثاوس

بطرك رقم 22

فترة مرتاحة نسبياً

اهتم ببناء الكنائس

القديس ثيوفيلس

بطرك رقم 23

لما كان هو و أخته أطفال (أيام القديس أثناسيوس), توفى والدهم و والدتهم ... و ربّتهم مرتبة من الحبشة ... لما لقاهم القديس أثناسيوس استغرب شكل المرتبة السمرية مع الأطفال ... سألهما بعد القداس: مين دول؟ قالت له ... قال لها: سيبيهم لي, أنا هاربيهم

كبر ثيوفيلس و بقى شماس ثم قس ثم مدير مدرسة الإسكندرية اللاهوتية

أخته تزوجت و خلفت القديس كيرلس عامود الدين

وقتها كان الامبراطور هو ثيودوسيوس الكبير ... مسيحي و عصره كان عصر تعمير كبير

مقدونيوس

تاني مهرطق كبير

بدعته: أنكر لاهوت الروح القدس

تتبعه القسطنطيني ... كقانون الإيمان السوي ... من أجل نؤمن بالروح القدس

نسطور

تالت مهرطق كبير

بدعة نسطور: ماينفغش الإله تجوز عليه الآلام ... و بالتالي فيه انفصال بين لاهوت السيد المسيح و ناسوته ... و اللاهوت انفصل عن الناسوت وقت الآلام و الصليب
طبعاً ده معناه خطير جداً لأن ببساطة معناه إن الصليب تمثيلية مش فداء ولا حاجة

القديس كيرلس عامود الدين

بطرك رقم 24

وقتها ظهر نسطور

عملوا مجمع أفسس ... القديس كيرلس قال إن طبيعة السيد المسيح طبيعة واحدة: لاهوت متحد بالناسوت .. بغير اختلاط ولا امتزاج ولا تغيير
و شَبَّهها لهم: قال: زي اتحاد الحديد بالنار .. لو ضربت: الضربة في الحديد ... لكن النار لم تترك الحديد ... و ربنا يسوع لاهوته لم يفارق ناسوته أبداً

و العدرا ولدت الله الظاهر في الجسد (القدوس المولود منك يُدعى ابن الله) ... و لقبها (ثيئوتوكوس) يعني والدة الإله
وضعوا مقدمة قانون الإيمان (نعظّمك يا أم النور الحقيقي)

[تفاصيل أكثر](#)

أوطاخي

رابع مهرطق كبير

طلع واحد رئيس دير بدعة عكس بدعة نسطور: أنكر ناسوت السيد المسيح .. قال ده المسيح جه في بطن العدرا زي الخيال ...
صورة للناسوت بس مش ناسوت حقيقي

عملوا مجمع استثنافي لمجمع أفسس

حاول يتراجع عن كلامه و قال خلاص أنا تراجع عن أفكارى

كان كبير في السن (85 سنة) ... فسامحوه

لاون

خامس مهرطق كبير

بطرك روما

قال: لآ، كلام أوطاخي مش مطبوط

لكن طلع في بدعة تانية: بدعة نسطور تاني

و كتب مجموعة قوانين عُرفت ب(طومس لاون)

القديس ديوسقورس

بطرك رقم 25

تلميذ البابا كيرلس و تلميذه ... و حضر البِدَع اللي فاتت

كان موجود في مجمع أفسس الاستثنافي ... و هو اللي حاجج أوطاخي

للأسف أوطاخي لم يتب فعلاً ... و كان الامبراطور مرقيان ساعتها قال نعمل مجمع تاني و ناقش تاني (في القسطنطينية)

كان مجمع كبير جداً لكن كانوا خايفين من الإمبراطور ... الإمبراطور ماجاش أول يوم

قال: خلاص نعمله في خلقيدونية (قرية من قرى نيقية، قريبة من القسطنطينية)

و فعلاً اجتمعوا .. لكن بدل ما يناقشوا بدعة أوطاخي، ناقشوا طومس لاون

طبعاً القديس ديوسقورس قاوم الفكر ده ... و المجمع عمل حيلة دنيئة: قالوا خلاص ناخد 5 أيام أجازة و نجتمع تاني نشوف

لما رجع القديس ديوسقورس للفندق اللي كان فيه، لقي العساكر مانعينه من الخروج

عقدوا المجمع من غيره ... و بعثوا له .. و قالوا إن مارزيش يبجي (رغم إنه محبوس) ... و قالوا عليه إنه منحااز لبدعة أوطاخي ... و أسأوا إليه و عذبوه

في اليوم الخامس من الحبس قالوا له: يا تمضي على طومس لاون يا نعدّك ... قال لهم: ماشي هامضي .. لما جابوه له كتب: محروم كل من وقع على هذا الطومس

كسروا سنانه و نتفوا دقنه ... فلما جه واحد يزوره، قال له: خد الأسنان و الشعر ده لكنيسة الإسكندرية و قل لهم: ده الجهاد من أجل الإيمان

نفوه لجزيرة عند تركيا هو و 4 أساقفة مصريين ... الناس اللي فيها كانوا وثنيين أو نسطوريين (النوعين ضايقوه) ... لكن ربنا أعطاه موهبة شفاء الأمراض ... فأمن كل من في الجزيرة بالمسيحية الصحيحة

تنجّح في الجزيرة دي ... و الكنيسة بتعتبره من المعترفين

طبعاً كنيسة الإسكندرية تحمّلت اضطهادات كثير جداً من الإمبراطور للتمسك بالإيمان و رفض طومس لاون

مجمع خلقيدونية كان بداية الانقسام بين الأرثوذكس (الإسكندرية و بعض الكنائس) و الكاثوليك (كنيسة روما)

القديس ساويرس الأنطاكي

بطرك أنطاكية

459م - 538م

كان بتربطه علاقة روحية قوية ببطرك الإسكندرية (الأنبا ديوسقورس)

ساعده وقت مجمع خلقيدونية

و برضه ده خلاه يشوف اضطهاد كبير

و هرب على مصر متخفي ... و حصلت معاه معجزة جميلة تظهر كرامته

[تفاصيل أكثر](#)

نتعلّم إيه؟

الحفاظ على الإيمان حاجة صعبة و مكلفة جداً ... و آباءنا أبطال الإيمان تحمّلوا عذابات كثير جداً عشان يوصل لنا الإيمان الصحيح

— يا ريت نعرف إيماننا الصحيح و نتمسك به و بجهاد آباءنا القديسين و نحافظ عليه و نسلّمه من جيل لجيل